

欽定盛京通志卷之七十七

國朝人物 十三

鑲黃旗漢軍

正黃旗漢軍

欽定盛京通志

卷七十七

目錄

欽定盛京通志卷之十七

國朝人物 十三

鑲黃旗漢軍

范文程。隸鑲黃旗。少穎敏沉毅。讀書通大義。初居瀋陽。為明生。天命三年來歸。

太祖厚遇之。日見親信。參幄。天聰三年從

太宗征明。入大安口。下遵化。進薄燕京。明年還軍。克永

平灤州諸城。文程軍中。時預密畫。五年攻圍

大凌河城。諭降明。太祖大壽。七年援明將孔有

欽定盛京通志 卷七十七

國朝人物十三

德來歸。是時初設都統。廷議首推文程。

太宗曰。此特一軍職耳。朕力資文程為心膂。其別議之。

尋以文程為秘書。既大學士。

詔諭皆出其手。文程每陳進取之策。

太宗輒稱善。入對必漏下。數十刻始出。或未及食息。復

奉

召。率以為常。順治元年。流賊李自成陷燕京。明亡。其將

吳三桂來乞師討。文程力贊進兵。且言自古

未有嗜殺而得天下者。國家誠欲統一區夏。非

又安百姓不可。傳檄示軍民。悉令安堵如故。大軍所至。人心帖然。迨入燕京。凡建立規模。多所裁定。訂冊籍。舉佚遺。除明季重賦。事無巨細。應機立辦。中原既定。請申行鄉會試。以致人材。請興屯田。以佐國用。發保甲。以杜亂萌。事多施行。文程嘗言天下治安。惟在得人。欲得人。惟在惜才。庶官中有一胥不掩者。為消除拔擢之人。益感激効用。故所奏舉。莫不稱職。先後以功晉爵至一等子。

欽定盛京通志

卷七十七

國朝人物十三

二

賜號巴克什。歷議政大臣。充

太宗實錄總裁官。加少保。兼太子太保。因病乞休。特加太傅。兼太子太保。聽解任調攝。

賜以藥餌。圖其像。藏之內府。康熙五年卒。

聖祖再遣大臣致奠。立碑墓道。諡曰文肅。五十二年。御書元輔高風四字。顏其祠。

佟圖賚。一名盛年。隸鑲黃旗漢軍。先世居開原。遷於撫順。我

太祖克撫順。其父養正挈族來歸。以征遼陽功。授三等

輕車都尉世職。尋駐鎮江城。城守中軍陳良策。叛降明將毛文龍。養正被害。長子豐年亦從死。圖賚以次子襲世職。天聰五年。從圍大凌河。破監軍叅政張春。援兵以功。晉二等輕車都尉。崇德三年。授兵部右叅政。五年。從圍錦州。取白官兒屯臺。六年。復從圍錦州。取金塔口三臺。七年。攻松山城。明將以騎兵奮我巨礮。擊敗之。又敗其步卒於山口。分兵克塔山。杏山。諸臺。乘勝下其二城。論功。晉一等輕車都尉。擢都統。八年。從

取前屯衛。中後所二城。加一雲騎尉。順治元年。偕都統巴哈納。石廷柱。招降山東四府七州三十二縣。移師太原。招降九府二十七州一百四十一縣。二年。從豫親王多鐸。平定河南。進征江南。拔揚州。敗明舟師於揚子江。遂從貝勒博洛。下浙江。攻克嘉興。進爵二等男。五年。授定南將軍。與都統劉之源。討明桂王朱由榔於湖南。時由榔將馬進忠等。分據衡湘辰永。乘勝陷寶慶。圖賚擊之。復其城。六年。鄭親王濟爾哈朗。以大

軍至。圖賚別將兵趨衡州。所向皆捷。陣斬偽總兵陶養用。破偽伯胡一清七營于城南。連破之。望公嶺。山塔口。一清竄全州。又破其六營。既下州城。還師駐衡州。遣將敗敵于石鼓洞。斬其將二人。八年。凱旋。得

恩賞。尋授禮部侍郎。復調都統。晉爵至三等子。子世襲。十三年。引疾乞休。加太子太保。致仕。十五年。卒。賜祭葬。贈少保。兼太子太保。諡勤襄。康熙十六年。聖祖追尊

欽定盛京通志

卷七十七

國朝人物十三

四

孝康皇太后。推

恩所生。

特贈圖賚一等公。以其子國綱襲。改隸滿洲。雍正元年。追封養正一等公。諡曰忠烈。祀昭忠祠。與圖賚並加贈太師。明年。

勅建專祠以祀圖賚。

賜額曰功宗元祀。

郎廷佐。隸鑲黃旗漢軍。先世居廣寧。父熙載。爲明諸生。天命七年。征廣寧。熙載率遼河西四堡

兵民來歸。授備禦。尋予三等輕車都尉世職。廷佐其次子也。崇德中以官學生。授內院筆帖式。順治二年。官國史院侍講。三年。從肅親王豪格平四川。六年。從英親王阿濟格平大同。誅叛鎮姜瓖。是年。遷秘書院學士。十一年。擢江西巡撫。江西自明末。游遭兵亂。逋賦鉅萬。廷佐再疏請蠲緩以蘇民困。土賊洪國柱。繆我章等。剽掠饒州。廣信間。遣將勦平之。十二年。擢江南江西總督。校閱江南賦籍。積逋至四十餘萬。曰。此非盡

民困不能輸也。必有官吏侵蝕之。而詭稱民逋者。民困可矜。官吏之弊。不可不革。覆覈之。果盡得侵蝕狀。而其弊相沿已久。有司每視其所急。以新舊賦互相抵飾。愈糾紛。不可釐治。又令甲本任徵賦未完者。皆予降調去官。屢更代。吏益因以爲奸。以故逋賦日積。廷佐乃籍之爲三。曰官侵。曰吏蝕。曰民逋。專責右布政使。分別督催。而以新賦責左布政使。鈎稽其收納。俾不得相抵飾。並疏請征賦未完。應降調者。令戴罪留任。

催徵以課實效。於是宿弊頓爲之革。江南故無備用船。大軍經行。皆取估舶以濟。商賈頗觀望不前。廷佐請視江西發帑造船備用。江南之有備用船。自廷佐始也。十六年。巡閱江海。以海賊鄭成功方寇浙江沿海郡邑。一揚帆卽到江南。而江南汛兵單弱。水師未習。舟楫未具。請撥隣省勁兵以重海防。部議以隣省無可撥者。寢其事不行。已而成功竟陷鎮江。襲瓜州。犯江寧。江寧兵少不足禦。會副都統噶楚哈等自貴州旋師沿江而下。廷佐與駐防總管喀喀穆邀入城。共擊賊。挫其前鋒。獲舟二十餘。僞印二。成功旋率衆大至。屯于岳廟山。連營八十有三。艖幢蔽江。廷佐等登陴固守。及所檄援兵俱集。遂與諸將定議。以騎兵繞山後。攻其背。以步卒開神策門。攻其前。以舟師斷其歸路。而令副將梁化鳳夜穴儀鳳門出。銜枚襲僞總統余新營。新就執。成功已氣奪。比旦。前後兵並起來擊。陣擒僞提督甘輝。僞總兵張祿。郭良玉。縱火焚賊艘五百。

餘成功遁入海。捷

聞下

詔深褒獎之。

聖祖卽位。分設江南江西總督二。以廷佐專督江南。康熙四年。仍兼督江西。七年。以疾解任。十三年。逆藩耿精忠據福建叛。

特遣廷佐爲福建總督。廷佐受

命。發憤矢志殲賊。上言。臣孫娶于耿氏。臣與精忠有連。

然臣誓不與賊俱生。願力疾前驅。縛精忠歸獻。

欽定盛京通志

卷七十七

國朝人物十三

七

闕下

聖祖嘉之。

賜鞍馬甲冑。以寵其行。廷佐至浙江。賊已盡陷福建。不得進。乃從康親王傑書。駐金華。以禦賊。十五年。卒於軍。

賜祭葬。如典禮。祀江西名宦祠。

丁文盛。廣寧人。初爲明諸生。天命六年。來歸。隸鑲黃旗漢軍。崇德三年。任兵部啓心郎。順治元年。授登萊兵備道。二年。擢山東巡撫。濰縣賊張

廣犯萊州。遣將擊敗之於三埠。又敗之紅山。廣奔平度。追及於徐里。曠射殪之。賊平。文盛莅東省。凡三年。當兵燹後。村落多墟。乃專事安輯。請蠲牙稅雜稅。請肅郵政。以節存經費。市馬不得派累閭閻。請清理刑獄。請核臨清。東昌。平山。諸衛兵虛額。請裁虛額。以重軍實。皆下所司議行。於是明季弊政。釐革殆盡。會荏平。高唐。禹城。武城。新城。諸邑。爲上賊所擾。文盛請發禁旅。勦之。給事中林起龍。御史金元楨。交章責文盛不能弭賊。部議當革職。

世祖特寬之。降授河南按察使。六年。遷福建布政使。七年。卒於官。

劉之源。隸鑲黃旗漢軍。天聰中。官叅領。崇德中。擢都統。從圍錦州。毀松山臺堡。下塔山。杏山。二城。攻拔中後所。前屯衛。屢以功。晉一等輕車都尉。世職。順治元年。大軍定燕京。偕都統李國翰。勦平畿南餘賊。尋偕都統葉臣。勦僞伯陳永福於太原。克其城。別將兵徇汾州。平陽。斬賊四千。

餘。山西悉平。二年。從順承郡王勒克德渾。勦賊湖廣。殲其黨於應山。僞總兵馬進忠降。復叛。偕都統金礪。敗之武昌。奪其艘六十餘。復追敗之湖泊。進忠屢敗。與賊渠袁宗第等。先後降於明大學士何騰蛟。並授僞總兵官。分據湖廣諸郡邑。五年。以之源爲定南將軍。從鄭親王濟爾哈朗征之。六年。進攻湘潭。騰蛟勒兵三隊出戰。擊之潰。克其城。生擒騰蛟。乘夜進勦進忠。平明薄其營。拔之。遂克寶慶。連破其南山坡九營陣。

斬總兵馬有志。胡進玉等。進忠僅以身免。乘勝擊宗第於洪江。敗僞總兵王強於便水驛。斬僞副將三人。計級七百有奇。前後敘功。並遇

恩詔。晉世職至一等男。兼一雲騎尉。八年。偕都統金礪。

駐防杭州。時僞大學士張肯堂。僞侯阮進。張名振等。擁明魯王朱以海踞舟山。之源與總督陳錦。總兵田雄。會師由寧波出定海關。進列戰艦以拒。敗之橫水。洋地。生擒進。揚帆抵舟山。薄螺頭門。肯堂集城中兵六千。堅守十餘日。我兵以雲

梯破其城。肯堂及僞尚書李向中。吳鍾巒。僞侍郎朱永佑。將軍劉世郎。左都督張名揚等。皆死之。名振擁魯王遁三盤島。轉走沙埕。之源遣總兵馬進寶等追敗之。名振遂航海去。乃與陳錦金礪。奏設水陸兵三千。分中左右三營。駐守舟山。以副將領之。屹然爲懸海重鎮。敘功。晉三等子。世襲罔替。十六年。授鎮海大將軍。移駐鎮江。旣至。以閩賊鄭成功。方縱掠江海間。而京口爲東南輓輸孔道。巡哨之法不具。非所以重江防。乃請練水師。修戰艦。飭火器。募舵工。慎分巡。嚴會哨。百廢具舉。賊乃不敢犯。明年。獲成功所遣謀者。乃得蘇松提督馬逢知與成功交通狀。入告。逢知伏誅。康熙三年。上疏請老。

召還京。仍任都統。四年。復乞休。加太子太保致仕。八年。內大臣鰲拜獲罪。之源父子坐黨附。當斬。

聖祖特原之。之源尋卒。二十年。追復其官。並

予三等子爵。子光襲。

胡有陞。錦州人。隸鑲黃旗漢軍。崇德四年。圍錦

州有陞持道人崔應時書來約偕五十人以城降。明將覺之。盡害其衆。因授有陞三等副都統。八年從征明。敗明兵於渾河。又從克前屯衛。中後所。順治元年。論功。擢二等副都統。五年。以總兵出守南贛。值逆鎮金聲桓叛。同僞建武侯王德仁來攻贛州。有陞與巡撫劉武元竭力拒守。閏五月。糧盡士疲。有陞拊循有素。人無叛志。尋王師大集。急攻南昌。聲桓北走。有陞率諸將追擊。大敗之。是年九月。廣東叛賊李成棟犯贛。有陞復大破之。累加至一等。進秩太子太保。康熙六年。致仕。贛人思其德。崇祀名宦。

趙廷臣。鐵嶺人。隸鑲黃旗漢軍。明季居山海關。性至孝。父歿。三年獨居。不入內室。舉明經。順治二年。知江南之山陽縣。時屢經兵火。民多流散。廷臣均徭緩賦。民以安集。丁亥歲饑。廷臣捐金糴粟。計口賑之。老弱者復按季周給。多所全活。土賊劉二虎。與鄖寇王二虎攻山陽。廷臣晝夜固守。城賴以全。其餘竊發山寇。諭以大義。多受

撫父嘗率騎偵賊。爲所傷。扶創歸。益嚴守禦。曰：吾爲國守。於身何有。山賊王希榮。久據鎮安。執縣令。拘寨下。臺司檄廷臣往撫。卽單騎至賊營。宣布威德。諭以禍福。希榮遂降。廷臣因攜前令歸。臺司咸器重之。尋陞江寧同知。民間有趙佛之稱。十年。大學士洪承疇經畧湖廣。薦廷臣清幹素著。十一年。授湖南巡道。兵民皆喜。曰：是趙佛來矣。時軍需旁午。廷臣辦治有方。事濟而民不擾。遇刑獄。加意平反。廳事但聞脫械聲。行路爲之感泣。尤勵清操。歲時餽獻。不敢至其門。十五年。巡撫貴州。時

王師甫定黔。下車日。廷臣延見父老。博採旁咨。盡得民

疾苦狀。凡所條禁。洞燭幽隱。定賦額。興學校。禁貪橫。嚴騷擾。種種實政。殘黎如出湯火。晉雲貴總督。兵燹荒歉之餘。調劑兵民。甚有恩惠。加兵部尙書太子少保。康熙元年。調浙閩總督。去之日。士民擁道攀號者萬人。在浙逾年。勦撫浙東海洋餘寇。斬賊帥張煌言。寧台溫諸境遂安。賊

平恤軍愛民。疏請復二十四監鼓鑄。泉貨遂通。廷臣性不喜繁侈。每行部。不過數騎。竟有不知其至者。後以勞卒于官。

賜祭葬。謚清獻。

郎永清。廣寧人。隸鑲黃旗漢軍。順治六年。知山西渾源州。時叛鎮姜瓖初平。永清招集流亡。詳請豁免逋賦萬餘兩。十年。知江西贛州府。贛自丙戌城破。復連歲用兵。閩廣民多轉徙。永清勤招徠。嚴約束。復業者日衆。大軍之討李定國。郝

欽定盛京通志

卷七十七

國朝人物十三

三

尚九也。道經贛。飼馬以行。永清預度城南演武場爲營柵。芻糧畢備。而自往萬安迎大帥。陳說郡當新定。不宜騷動之故。帥感其言。下令不許一兵入城。瑞金石城被寇害最甚。爲民營室廬。瘞齒骼。歲浚饑。發粟往賑。贛諸生王日旦爲盜所引。不勝刑。誣服。永清廉其枉。出之。又雪興國民廖安民之獄。在官四年。贛人立祠祀之。後歷山東按察使。湖南布政使。湖廣開藩南省。自永清始也。時干戈初靖。永清招來撫育。民得安堵。

永寶諸郡。溪流悍急。歲漕爲艱。力請改折。湘衡以南。舊食粵鹽。灘險道遠。商民交病。申請改食淮鹽。至今稱便。後擢山東巡撫。士民追維遺愛。建專祠。撫臣趙申喬爲記。長子廷樞。任粵東臬司。有清望。次子廷極。歷任漕運總督。卒謚溫勤。蕭起元。隸鑲黃旗漢軍。順治元年。以貢生從入關。承辦軍機事務。多著勞績。時畿輔初定。授直隸大名府。所至。撫綏有方。尋以僉都御史。巡撫浙江。一意撫戢。與民休息。杭嘉諸郡縉紳世僕。不甘制於舊主。其主有衰落者。諸僕借通海謀叛。劫制之。逼令開除出戶。少不從。則控之臺司。逮捕其主株連甚衆。起元廉得其情。執干名犯分律。置其僕於重典。人心稱快。時八旗駐防兵留鎮者。與民雜處。日久頗有齟齬。起元於城西隅築城以居。俾兵民判然。不相驚擾。十一年。緣事降調。旋卒。起元在浙江十年。功德甚多。士民思之。康熙元年。請祀浙江名宦祠。

靳輔。祖籍遼陽。隸鑲黃旗漢軍。順治九年。授國

山。因遣兵往擊。盡殲之。授佐領世職。順治二年。從征江南。攻克揚州。又隨征浙江。湖州賊黃蜚。率衆來犯。三敗之。十三年。從征舟山。敗僞總制陳六御等之衆于海上。以功。累加世職至一等輕車都尉。兼一雲騎尉。

王繼文。奉天人。隸鑲黃旗漢軍。順治八年。授弘文院編修。十八年。分巡江西饒九南道。時遣部員清丈蘆洲。頗作威福。繼文日單騎走烈日中。陰爲調劑。多所寬減。民大感悅。康熙十四年。任

雲南布政使。贊理糧餉。二十年。大軍三路討吳三桂。步騎數十萬。米芻闕供。議欲取食民間。繼文白。巡撫伊闕。言于都統賴塔。及固山貝子章泰等曰。現糧可支三日。如三日後米芻不繼。請正繼文軍法。乃急遣員賫銀。分市鄰邑。未三日。米芻飛至。後巡撫伊闕卒。遺疏薦。遂撫滇。賊平後。招徠流民。以漸復業。尋擢雲貴總督。惠政尤多。卒。贈兵部尚書。祀名宦。長子用霖。任粵西臬司。以廉名著。

董應魁。奉天人。隸鑲黃旗漢軍。初任良鄉令。以
賢能課最。歷陞湖南寶慶守。山東驛鹽道。福建
按察使。廣西布政使。皆有治行。順治十八年。巡
撫廣東。下車之日。問疾苦。懲積弊。招攜懷遠。民
大安之。時粵省屢遭兵燹。瘡痍未復。值靖南王
耿繼茂移鎮閩省。督行糧甚急。百姓騷動。應魁
慨然曰。吾不忍諉罪于下。請身任其咎。遂左降。
部民懷其德。立祠以祀。

郎廷相。奉天人。廷佐弟也。隸鑲黃旗漢軍。順治

十五年。以郎中隨征偽晉王李定國。有籌畫。大
帥多用其言。以軍功。加優敘。康熙三年。官四川
布政使。綏集流移。給廬舍耕具。營廨舍。建學校。
兵火之餘。百廢具興。民不知擾。尋擢河南巡撫。
遠近攀留者。遮道號泣。十五年。任福建總督。時
閩南初定。餘孽尙熾。廷相勦撫互用。出奇制勝。
旬月之間。沿海諸郡寇盜次第悉平。又逆藩吳
三桂。遣僞將軍韓大任等。由江右入寇。廷相遣
官詳諭利害。大任感泣輸誠。閩境帖然。

丁思孔。文盛子。隸鑲黃旗漢軍。順治壬辰進士。初任弘文院庶吉士。內國史院侍講。康熙八年。授直隸分巡道。出納平允。吏胥不能爲奸。大軍南征。供億填溢。思孔措辦有方。毫不擾民。十四年。擢江南按察使。旋陞布政使。督臣于成龍疏薦。二十二年。擢偏沅巡撫。修嶽麓書院成。二十七年。湖廣裁兵。夏逢龍因裁缺候補作亂。副將傅爾學等應之。叛踞武昌。時思孔由河南巡撫調撫湖北。籌餉充裕。分兵勦擒。賊渠授首。擢湖廣總督。三十三年。調雲貴總督。卒于官。賜祭葬如例。祀江南湖廣名宦。

高承爵。鐵嶺人。隸鑲黃旗漢軍。祖尙義。順治元

年。從入關。著有軍功。子五。承爵其第四子也。康

熙初。由蔭生授河南淇縣令。屢擢至揚州知府。

以治行。超擢江蘇按察使。三十二年。晉福建布政使。莅任三日。卽授安徽巡撫。時盱眙泗州等州縣。河流泛溢。修築隄防。全活無算。三十九年。

再任。值歲歉。承爵捐俸施粥。皖人獲濟。徵收錢

糧革除扛耗。奸胥斂跡。尤加意學校。振起人文。四十年。乞休還京。卒。祀安慶名宦。

范承勳。文程子。隸鑲黃旗漢軍。由蔭生授工部員外郎。屢遷監察御史。擢內閣學士。康熙二十四年。巡撫廣西。時軍興之後。餘糧數十萬。部議全省折徵。承勳酌徵半折半之法。因地制宜。民大便之。二十五年。任雲貴總督。滇黔經吳三桂亂後。庶事草創。承勳至。整飭營伍。酌除重賦。安戢邊隅。盜息民寧。又捐俸修建學宮。置禮樂器。

聘名士纂修通志。凡所規畫。動中機宜。二十七年。尋甸左協營卒作亂。省城弁兵欲應之。約三更舉事。承勳諜知其情。命司更止擊二鼓。賊聞曉鐘。始知事洩。比曙。叛黨咸就擒。左協叛衆知事不成。遁走交水。承勳檄兵合擊。盡誅倡亂者。三十三年。擢都察院左都御史。承勳督滇十載。屢勘大獄。消兵變。起瘡痍。佈置周密。巖疆鞏固。離滇之日。兩省軍民環籲攀留。極邊土司奔走千里。泣拜載塗。尋授兩江總督。四十三年。以病

乞休。五十三年卒。

賜祭葬。祀滇黔兩江名宦祠。

高其位。鐵嶺人。隸鑲黃旗漢軍。父天爵。於耿精

忠之亂。殉節不屈死。見忠節傳。其位以廕官佐

領。康熙十三年。委署軍營叅領。從靖寇將軍順

承郡王勒爾錦出師襄陽。征逆藩吳三桂。命其

位率二十騎覘虛實。適賊將王惠率眾二萬人

趨襄陽。猝遇於土地嶺。其位飛騎馳報。而率所

部出不意衝突之。賊驚潰。且斫且馳。至南漳。越

欽定盛京通志

卷七十七

國朝人物十三

三

濠而呼。入城守禦。衣上血跡模糊。刀刃盡缺。賊

圍南漳。以城守有備。不能克。解去。又叛賊譚洪

率舟師三萬。向鄖陽。其位以百人扼楊溪舖。賊

蠶至。其位踞崖射賊。矢無虛發。相持七十日。糧

盡。煮馬鞍以食。誓必死。會副都統李麟隆擊破

賊。乃全師歸。其位每戰先登。前後給功牌十二。

嗣屢遷。至湖廣提督。調江南提督。兼攝總督事。

雍正元年。晉大學士。太子太傅。兼禮部尚書。五

年卒。

賜祭葬。謚文恪。入祀賢良祠。

高其倬。鐵嶺人。隸鑲黃旗漢軍。康熙甲戌進士。由翰林屢擢至內閣學士。奉使勘打箭爐疆界。瓦廝訾服。及還。圖其地形以進。康熙五十九年。擢廣西巡撫。旋授雲貴總督。勦平中甸。及仲家苗叛黨。威望大著。番境乂安。兵民樂業。雍正初。調閩浙總督。甫抵浙。聞閩省歲稔。卽奏請截江浙漕米二十萬。由海運平糶賑濟。復奏請發帑採買。廣儲待。禁囤積。民不病饑。性明恕。政舉大綱。不矜苛細。遇屬員有恩禮。其清節尤著。一十七年。調兩江總督。旋晉工部尙書。轉戶部尙書。乾隆三年卒。謚文良。

欽定盛京通志

卷七十七

國朝人物十三

三

佟國正。撫順人。隸鑲黃旗漢軍。順治初。由州牧累擢至監司。康熙十四年。擢江西巡撫。時吳三桂反。提督嚴自明等從逆。率賊逼南康。國正率將士破其營。十七。斬首萬餘。明年。招撫賊張元仁等。降其衆。十七年。僞總兵賴榮盤踞江廣間。九鄉地方。出沒爲寇。國正撫降之。賊將韓大任

等竄走萬安。敗之。鷓鴣灘諸處。多斬獲。以功累加至兵部尚書。國正潔已。率屬禮賢下士。賞罰必信。摘奸如神。勸農桑。恤閭閻。每有調發。不驚。部屋。撫民之流離者。分置附郭。選其丁壯。暫令隨征。難民皆得安堵。十八年致仕。尋卒。崇祀江西名宦祠。

梁應元。遼東人。隸鑲黃旗漢軍。順治六年。知江南池州府。爲政恒視民所急。首葺學宮。振拔寒畯。復以次修舉廢墜。百度俱舉。遷直隸大名道。去。民爲立祠。

欽定盛京通志

卷七十七

國朝人物十三

三

王之佐。隸鑲黃旗漢軍。世居廣寧。康熙初。任寧化令。時海氛未靖。二十年。王師十萬駐漳州。日餉千斛。上游飛輓。派役民夫。之佐念民疲差重。設法調劑。隨時補救。以蘇民困。會有黃機者。受吳三桂僞劄。脅其鄉黨從逆。楊地一鄉不從。遂圍而屠之。之佐請兵會剿。時大軍與海賊相持。難以驟移。之佐力請于督撫。調三鎮兵會剿。值同安告急。督撫有難意。之佐言不可驕賊。以致

民人糜爛。聲淚交迸。督撫鑒其誠。許之。之佐遂部率鄉兵。躬爲嚮導。威賊壘。分攻之。賊盡棄其衆。越贛石。入江西投誠。江西撫臣納之。發符護賊還寧化。之佐堅不奉檄。昌言於大吏曰。閩賊卽江賊也。若閩賊入江。卽當宥死。江賊入浙。又應偷生。王法將誰加乎。如謂法外宥過。以招不廷。則自江納之。卽自江用之。今名寄江籍。而身返閩巢。閩之文武。何顏臨之乎。大吏韙其言。遂搗其巢穴。以兵截洞口。絕其歸路。賊遂氣沮。黨類星散。之佐戮力行間。每領兵數千。旦夕巡行營壘。聯客師爲指臂。市井肅若無人。後以勞得寒疾卒。軍民罷市。巷哭者三日。崇祀本縣名宦祠。

佟國楨。奉天人。隸鑲黃旗漢軍。順治中。知江南之無爲州。瀕江田廬。恃壩捍蔽。三壩將圯。國楨自鮑家橋至周思溝。築堤四千丈有奇。名四壩。後三壩傾而田廬卒無恙。闔境居民無不欣躍。其居官儉約。恒以清操自勵。一時翕然稱爲良

吏。

于宗堯。廣寧人。隸鑲黃旗漢軍。康熙七年。年十九。以廕補常熟令。勇于爲治。興利剔弊。雖老吏勿能及。邑素苦於漕。宗堯視事三月。盡除其害。三年卒於官。邑爲罷市。男女巷哭。醵金治其喪。負版者皆投一錢。柩將歸。百姓遮道留之。葬虞山南麓。題其阡曰萬民留葬。邑人瞿式鼎捨宅爲祠。在慧日寺西。

趙良璧。開原人。隸鑲黃旗漢軍。康熙八年。知山西徐溝縣。邑當孔道。民苦供億。良璧送迎餽獻胥絕。不以絲毫累民。莅政五年。寬嚴並濟。以清源盜案。望誤去。邑民爲立生祠以祀。

許宏勳。遼陽人。隸鑲黃旗漢軍。康熙十三年。知浙之紹興府。耿精忠叛於閩。諸暨新城。嵊縣。三邑。奸民嘯聚。圍攻郡城。宏勳乘夜率兵出。斬其渠魁。餘悉撫諭散遣之。郡境又安。二十五年。任按察使。持法剛正。無所屈撓。二十七年。楚北兵譁。奸人張麻子等。思乘機爲變。期以三鼓竊發。

宏勲偵得其謀。亟白之總督。戒譙樓鼓徹夜無
三搗。密捕亂首十數人。無得脫者。比明。已斬首
懸轅門。兵民帖然。人服其智。

盧燦。海城人。隸鑲黃旗漢軍。康熙中。任浙之龍
游縣。時浙東盜賊充斥。燦勦撫並施。羣匪斂迹。
四境獲寧。在任八年。愛士勸農。厯著善政。卒於
官。祀名宦。

朴士秀。奉天人。隸鑲黃旗漢軍。康熙四十年。知
河南確山縣。聽訟明決。案無留牒。革除火耗。及
一切厲民陋規。勸建義學。督課生徒。士民咸頌
其德。

張綏遠。奉天人。隸鑲黃旗漢軍。祖必科。見忠節
傳。康熙四十一年。綏遠知廣西思恩府。歲歉。捐
資賑濟。疾疫。設醫局療治之。又令家人遍歷郊
野。有暴露之棺。無主者。卽爲掩埋。其有主者。勸
令速葬。郡治半屬土司。廣建義學。延師訓導。由
是夷俗漸知禮義。憬然嚮化。

正黃旗漢軍

吳景道。廣寧人。隸正黃旗漢軍。

太宗時。以諸生考擢吏部啓心郎。都察院理事官。疏劾刑部理事官郎位受賕不法狀。鞫實。黜其位。爲民。順治二年。授河東布政使。尋擢巡撫。時河北初定。河南五府餘寇未靖。景道檄總兵高第等。勦宗養氣於寶豐。陳蛟於新野。黃景運於商城。並捕斬之。四年。鄖陽賊王光泰犯浙川。遣總兵張應祥等擊卻之。五年。遣都司朱國強等。勦羅山賊張其倫。破其雞籠山寨。執其倫。伏誅。是年。

欽定盛京通志

卷七十七

國朝人物十三

三

山東曹縣賊范慎行。踞黃河北岸。剽掠開封。歸德諸屬邑。復檄高第勦之。賊敗走長垣。蘭陽。退據曹縣。乃簡精騎。分道出胙城。東明。張左右翼合擊。覆其巢。殲其衆數千。遂縛慎行。梟諸市。以功加兵部右侍郎。七年。晉尙書。八年。陝西商州賊何柴山犯盧氏。遣張應祥撲滅之。境內悉安。十年。以老病致仕。

特恩加一級。廕子入監。十三年卒。年七十有五。賜祭葬。贈太子太保。謚懿僖。祀河南名宦。

雷興。遼陽人。隸正黃旗漢軍。

太祖定遼東。興以諸生選直文館。

太宗設科取士。興中式舉人。授秘書院副理事官。崇德元年。

特試內三院學士舉人生員。興名列二等。得

恩賚。尋任都察院理事官。順治元年。擢天津巡撫。時土賊李聯芳、張成軒嘯聚滄州南皮間。興偕總兵婁光先督師進剿。聯芳等竄遁窮迫。至海口。遏其旁。軼賊投水死者大半。餘悉縛之歸。遂斬其

欽定盛京通志

卷七十七

國朝人物十三

三

渠散遣脅從者歸農。賊平。因疏請設戰船于大沽海口。以備海防。從之。二年。遷陝西巡撫。陝地當流賊擾亂後。城郭空虛。戶口凋耗。榛莽塞原野。興招流氓。闢蕪田。拊循綏輯。與民相休養。關中乃稍實。

世祖聞而嘉之。屢

賜冠服裘馬。以旌吏治。三年。流賊孫守法等掠興安。叛鎮賀珍掠漢中。興移潼關兵三百駐商州。以拒守法。檄漢羌道胡全才。同城守以禦珍。會肅親

王豪格西征張獻忠。道出陝西。擊走珍。守法亦遁去。與以隴州爲河西咽喉。西安藩蔽。山險林深。易於藪盜。臨洮鞏昌。於西番爲鄰。並請設兵分屯要害。下所司議行。四年。以疾致仕。十年。起授河南巡撫。未至任卒。

賜祭葬如例。贈兵部右侍郎。廕一子入監。祀陝西名宦祠。

王來任。奉天人。隸正黃旗漢軍。天聰八年。漢書舉人。崇德元年。授工部啓心郎。屢官至大理寺

少卿。康熙元年。以副都御史。撫治鄖陽。四年。巡撫廣東。時粵中屢經寇盜。軍民未安。來任抵任。撫集流亡。諮詢疾苦。復疏陳六大害。力請禁革。平反積案。囹圄一空。常微服遊市間。察有司淑慝。兵厮橫暴。嚴捕重懲。邊疆綏靖。嗣卒于官。祀名宦。

金維城。隸正黃旗漢軍。總兵金玉和子也。崇德元年。大軍征錦州。維城以叅領督饋餉。五年。以副都統從圍錦州。明兵突圍出戰。擊卻之。先後

攻克其臺十八。屢敗松山杏山援兵。七年。錦州下。移師攻克塔山杏山城。以功授雲騎尉世職。兼任兵部叅政。駐防錦州。八年。從征寧遠。克中後所前屯衛二城。晉騎都尉。順治元年。定燕京。改六部叅政曰侍郎。維城仍任兵部侍郎。五年。從鄭親王濟爾哈朗。征明桂王朱由榔于湖廣。六年。攻克湘潭。趨寶慶。敗其總兵馬進忠。王進才。袁宗第等。追勦至武岡。沅州。靖州。俘斬無算。七年。凱旋。得

欽定盛京通志

卷七十七

國朝人物十三

三

恩賚。累加世職至一等輕車都尉。十年。坐失察屬吏受賕。免官。降世職爲三等。十五年卒。長子世需襲。次子世礪。康熙間屢立戰功。十八年。勦海賊劉國軒於漳州。陣歿。贈雲騎尉。入祀昭忠祠。李恒忠。隸正黃旗漢軍。事

太宗爲侍衛。

賜名宜哈納。初任佐領。尋進叅領。崇德八年。從攻中後所前屯衛二城。予雲騎尉世職。順治元年。偕都統葉臣征山西。攻克太原。汾州。及文水城。三年。

從征四川。敗流賊楊薦兵于馬湖。五年。擢副都統。六年。偕都統巴顏。駐師西安。屢敗流賊孫可望。劉文炳。康薦宗等。殲其衆。十一年。明桂王朱由榔。遣其將李定國犯廣東。偕靖南將軍珠瑪喇往禦之。敗定國于新會。晉世職一等輕車都尉。康熙十年卒。第三子儀祖襲。

戴都。隸正黃旗漢軍。本姓李。名獻祖。思忠姪也。初任佐領。天聰二年。圍錦州。以巨礮克臺堡有功。崇德六年。從圍錦州。又攻拔塔山。杏山。附近

各臺。敗明兵于長安嶺。八年。從克中後所前屯衛。加佐領。順治元年。隨征太原。克其城。十一月。隨南征。破流賊。滅福王。平定河南。江南。克武岡山寨。及揚州。嘉興。江陰。三城。論功最。九年。克成都。降僞王劉文秀等。累加世職至三等男。

馬汝龍。隸正黃旗漢軍。襲父應魁備禦職。天聰二年。從征明。圍錦州。克屯臺。及塔山。杏山城。俱有功。崇德七年。隨取前屯衛。中後所。順治元年。以叅領兼刑部理事官。擊流賊于潼關。二年。克

武岡山寨揚州等處。獲敵船于揚子江。敗偽總兵黃蜚之衆。進克江陰。論功。加佐領。六年。從征逆鎮姜瓖。取渾源州等五城。十四年。以副都統駐防福建。入爲刑部侍郎。累加世職一等輕車都尉。康熙十六年卒。

賜祭葬。

張尙。寧遠州人。隸正黃旗漢軍。

太祖定遼來歸。崇德三年。任戶部啓心郎。以稱職。列優敘。順治十二年。擢福建右布政使。時海氛甚熾。

欽定盛京通志

卷七十七

國朝人物十三

三

陷漳州。泉豐以南震動。大軍進剿。資糧供頓。日費數十萬錢。尙督餉無匱。監造巨礮。攻具。往來海上。親冒矢石。備歷險阻。卒復漳州。遷左僉都御史。巡撫甘肅。卒于官。閩人思之。祀名宦祠。張國用。世居廣寧。隸正黃旗漢軍。順治五年。貢士。康熙十四年。任河南浙川縣。循良正直。勤于撫字。會逆藩吳三桂之亂。供應軍需。不累百姓。去任後。士民感頌。祀名宦祠。

李蔭祖。鐵嶺人。隸正黃旗漢軍。父思忠。招集鐵

嶺等處戶口來歸。以軍功授子爵。蔭祖與兄顯祖皆以功名著。順治五年。由蔭生授戶部郎。累官左僉都御史。十一年。授直隸山東河南總督。加兵部尚書。疏請豁被災州縣秋糧。安集流民。及直隸瀕海設汛安營。稽查海船出入事宜。皆議行。時真定西山久爲流寇擾據。蔭祖諭井陘道副使陳安國入賊巢撫之。渠賊高鼎涕泣就撫。卒爲勇將。十三年。晉太子太保。總督湖廣軍務。值大軍進勦滇黔。蔭祖區畫有方。兵民欣躍。在任四年。以疾告歸。卒。

賜祭葬。祀直隸山東河南湖廣名宦。

紀國相。開原人。隸正黃旗漢軍。順治元年。知河南輝縣。當流寇破殘之後。百姓凋瘵。邑境荒涼。國相修治城隍。招撫流散。勸開墾。給耕具。通商賈。設學校。與民更生。甚著能績。及卒。祀本邑名宦。

線縉。廣寧人。隸正黃旗漢軍。順治二年。守山東曹州。時定鼎之初。流寇餘毒未泯。縉治尙簡易。

勸開荒地。歲不下數十頃。無力之家。助以牛種。民始得耕。嚴飭保甲。諭令守望有助。後土賊竊發。隣境椽杵。而曹獨獲安。調守河南汝寧。時值亂後。郡無太守者數年。初下車。城中居民。不滿數十家。縉省刑薄賦。與民更始。有安堵之樂。累遷司道。並有能聲。四年。擢偏沅巡撫。五年。偽貴溪王朱常淝等。勾連苗賊。分寇沅州。縉同線安國等。會兵進剿。攻下永寧。獲常淝。及諸賊渠。斬之。在任三年。緣事落職。尋卒。曹人思其功德。崇

欽定盛京通志

卷七十七

國朝人物十三

三

祀名宦祠。

張所志。奉天人。隸正黃旗漢軍。順治十七年。巡按四川。時土廣人稀。道路榛莽。所志招輯流移。各令安業。疏陳收拾全川事宜章數上。多見採納。康熙十二年。任山西驛糧道。以廉介爲屬吏。倡及護藩篆。令自封投櫃。地方便之。後陞福建按察使。遇冤獄。立爲昭雪。時用兵海上。所志督造船艦。運軍需。不辭勞瘁。以功擢江西布政使。大有政聲。

朱思義。義州人。隸正黃旗漢軍。順治五年任浙江巡海道僉事。時浙東初定。將卒驕縱。思義莅官。風裁卓立。嚴懲告訐之風。兵皆戢斂。民得安堵。後卒于官。人皆惜之。祀浙江名宦。

張宏猷。奉天人。隸正黃旗漢軍。順治中。知湖廣長沙府。有肆應才。雖事起倉卒。處以鎮靜。擘畫咸中。不爲撓奪。當軍興時。公務旁午。一切簿書。皆手自裁定。爲政嚴明而不苛。民皆稱之。

劉國寧。奉天人。隸正黃旗漢軍。順治中。知湖廣

黃岡縣。邑當水陸要衝。徵發接踵。國寧長於肆應。事集而民不擾。縣多火患。預設撲滅諸具。有警。輒身先往救。遂不成災。政尚寬簡。民俱戴德。卒祀名宦。

李輝祖。恒忠長子。隸正黃旗漢軍。康熙十三年。擢郎中。十九年。遷貴州按察使。二十一年。授四川布政使。川省經吳三桂亂後。田多荒蕪。輝祖勸民開墾。生聚日盛。按畝征賦。釐奸除弊。民以爲便。歲貢蠟料。棧道險阻。民多以爲病。輝祖力

請于巡撫。奏罷之。三十四年。授河南巡撫。尋擢湖廣總督。卒。祀四川名宦。

李興祖。隸正黃旗漢軍。宜哈納子。輝祖弟也。初任直隸慶雲令。康熙二十四年。擢山東兗州捕盜同知。地爲山東江南兩省扼要。時土寇李二和尚餘孽尙不靖。興祖莅任。曉諭居民。能擒賊者賞。能自新者卽免罪。不一年。餘黨盡除。在任三年。多方巡察。恩威並濟。兩省所屬人民。悉遵禮讓。姦宄哀息。迨攝篆沂州。清廉惠愛。咸頌仁明。尋擢直隸河間守。累官江西布政使。順天府丞。卒。兗人思其德。崇祀名宦祠。

李鈞。蔭祖子。隸正黃旗漢軍。由刑部郎中。屢擢至兵部侍郎。康熙三十五年。

聖祖親征噶爾丹。與左都御史于成龍等。督運中路軍糧。出古北口。奎素沙深陷轂。令士卒伐柳枝。橫藉沙面。車得前進。至克魯倫河。復

命轉饗赴西路大將軍費揚古軍。凱旋。敘功加四級。三十七年。授山東巡撫。尋以疾辭未赴。調安徽巡

撫莅任後。戢兵安民。緩征息訟。立義學義倉。又造江船以拯溺。修馬橋以利涉。雖履任未久而遺愛甚衆。四十二年卒于山東賑所。

楊廷耀。遼東人。隸正黃旗漢軍。康熙初。任粵之梧州通判。土賊唐山蠻等。屢劫官餉。四出剽掠。廷耀捕斬其渠。盜患遂息。分權梧關。刊定稅貨則例。按往來船戶。人給一紙。吏役乃不敢苛索。署容縣事。僞晉王李定國餘黨竄踞大榮山。連結猺獞爲寇。廷耀以計擒斬之。賊黨四散。遠近

寧帖。時稱能吏。

王育賢。奉天人。隸正黃旗漢軍。康熙中。任福建興泉道。海寇圍泉州。育賢日夜爲戰守具。與士卒登陴守禦。不解甲者四十餘日。徒跣築垣。躬操畚插。聞援師將至。單騎自臨衢巷。徧慰父老。民皆感激流涕。尋以勞瘁卒。泉人設木主於崇陽樓祀之。

常光裕。奉天人。隸正黃旗漢軍。康熙中。知湖南靖州。地當逆藩吳三桂擾攘之後。光裕招集流

離。多方撫字。民不失業。三十四年。擢知泉州府。為政安靜。聽斷詳明。為晉江縣民黃姓。力正主僕名分。閩郡稱快。其他摘奸發伏。申冤理枉。率多類此。

李鐸。鐵嶺人。隸正黃旗漢軍。康熙中。知浙之紹興府。會餘姚大水。漂溺民人廬舍。鐸與知縣康如漣。煮糜以賑。編筏以居。又念就食妨業。復按各縣鄉里民籍。人給米四斗。幼者半之。製絮衣與寒者。全活無算。在任四載。始終不名一錢。

欽定盛京通志

卷七十七

國朝人物十三

三七

閻璋。廣寧人。隸正黃旗漢軍。康熙中。知湖廣靖州。州境剗弊。璋革重耗。禁派累。創義學。勸課農桑。民漸樂業。土寇吳旦先犯境。身先陷陣。擊斬無算。寇遁去。復追殲之。合治懷其德。

劉有成。奉天人。隸正黃旗漢軍。康熙三十年。任山東壽光縣。精敏長于吏治。邑民素刁悍健訟。又好藉勢侮貧弱。有成以嚴明馭之。境內肅然。時單騎行村墅。勸課農桑。以卓異擢同知去。民建祠祀之。

馬雲從。遼陽人。隸正黃旗漢軍。康熙三十四年。知四川達州。州境向苦瘠薄。雲從時勸告民。以裕生重農之計。值歲祲。民鮮粒食。雲從籌策告糴。四境賴以全活。州人感其恩。立祠以祀。